

tate qua fungimur apostolica confirmamus. & presentis scripti patrocínio communimus Nulli ergo &c. nostre confirmacionis &c. Datum skeninge XV Kal. januarij. Pontificatus dominj jnnocencij pape quarti anno quinto.

354.

1247 d. 20 Dec.

Skenninge.

Påfl. Legaten Bisk. WILHELMS af Sabina för Biskopen i Linköping gifna tillstånd att till den under arbete varande domkyrkan använda någon del af alla kyrkornas tionde i stiftet.

A. 3. o. 2: 17: *)

WILHELMUS miseracione diuina Sabinensis Episcopus, Apostolice Sedis legatus. Omnibus presentes litteras inspecturis salutem in nomine domini Ihesu Christi. Cum iam dudum Lyncopensis ecclesia nobili sit structura incepta. nec perfici valeat, sicut nos ipsi vidimus. propter ipsius pulcritudinem sumptuosam absque magnis laboribus et expensis. Nos cupientes vt tam pium opus fine laudabili consumetur. Considerantes etiam quod sicut pater debet subuenire necessitatibus filiorum sic et ipsi filij quadam equitate pensata. patrum indigencias subleuare tenentur. Deliberatione prehabita. auctoritate qua fungimur duximus statuendum. vt cum ecclesie omnes dyocesis Lyncopensis sint edificate ad plenum. officiales quos venerabilis pater dei gratia Episcopus Lyncopensis ad dictum opus vno vel diversis temporibus duxerit deputandos. decimam partem illius quarte portionis de decimis que ipsarum Ecclesiarum operibus deputatur. ad consumationem Lyncopensis ecclesie matris earum percipiant annuatim. Et si qui in hoc contradictores fuerint. vel rebelles. per predictum Episcopum quem ad hoc constituimus. ad solutionem huiusmodi faciendam. per excommunicationem monicione preuia compellantur. Datum Skæningie XIII°. Kalendas Januarij Pontificatus domini Innocentij pape quarti Anno quinto.

355.

1248 d. 1 Febr.

Risaberg.

Påfl. Legaten, Bisk. WILHELMS af Sabina Skyddsbref för så väl Saba kloster som alla derunder lydande Hemman och Lägenheter.

A. 6. a. 1: 5.

WILLELMUS miseratione diuina Sabinensis Episcopus apostolice sedis legatus viris religiosis . . Abbati & conuentuj Monasterij de Saba Streng-

*) Utur en vid förnyandet på 6 år af Kon. MAGNUS II ERICSSON d. 28 Jan. 1321 vidimerad afskrift.

nensis diocesis Salutem in nomine ihesu christi. Sacrosancta Romana ecclesia, deuotos & humiles filios ex assuete pietatis officio propensius diligere consuevit. et ne prauorum hominum molestiis agitentur, eos tamquam pia mater sue protectionis munimine confauere. Eapropter dilecti in christo fratres, uestris iustis postulationibus grato concurrentes assensu, personas uestras & locum in quo diuino estis obsequio mancipati, sub beati petri & sedis apostolice protectione qua fungimur auctoritate suscipimus. cum omnibus bonis que impresentiarum locus ipse possidet aut in futurum iustis modis concedente domino poterit adipisci, Specialiter autem Grangias domos terras possessiones prata piscarias Siluas, pascua & alia bona uestra sicut ea omnia iuste ac pacifice possidetis, uobis & per uos Monasterio uestro eadem auctoritate confirmamus & presentis scripti patrocinio communimus. Nulli ergo omnino hominum liceat hanc paginam nostre protectionis & confirmationis infringere uel ei ausu temerario contraire Si quis autem hoc attemptare presumpserit indignationem omnipotentis dei & beatorum petri & pauli apostolorum eius se nouerit incursum. datum apud Monasterium de Risiber kal. febr. pontificatus domini Innocentii pape. IIII. Anno Quinto.

Sigillet bortfallet.

356.

1248 d. 1 Febr.

Skenninge.

Påfl. Legaten, Bisk. WILHELMS af Sabina Bref angående fyratio dagars aflat för dem, som lemnade något understöd till det nedbrända Wreta klosters återuppbyggande.

A. 1: d. 41.

WILLELMUS &c. *lika med N:o 352 till* uitam eternam. Cum igitur dilecte in christo sorores. K. abbatissa & Moniales Monasterij sancte marie de Wretis. cisterciensis Ordinis ecclesiam suam domos & officinas ignis uastitate consumptas inceperint reparare. nec ad id proprie ipsis suppetant facultates. Vniuersitatem uestram rogamus & monemus attente atque in remissionem uobis iniungimus peccatorum quatinus de bonis uobis collatis a deo pias elemosinas. & grata eis ad hoc caritatis subsidia erogetis ut per subuentionem uestram opus ipsum ualeat consumari. & uos per hec & alia bona que domino inspirante feceritis ad eterna possitis gaudia peruenire. Nos enim de omnipotentis dei misericordia & beatorum. Petri & Pauli apostolorum eius auctoritate confisi omnibus uere penitentibus & confessis qui manum eis ad hoc porrexerint caritatis. Quadraginta dies de iniuncta sibi penitentia misericorditer indulgemus. Datum Schening. Kal. Februarij Pontificatus domini Innocentij. Pape. quarti. Anno Quinto.

Sigillet i rödt vax hänger i rödt silke.

357.